

HEB GADARNHAU

**Cofnodion DRAFFT y Pwyllgor Addysg, Comisiynu ac Ansawdd
a gynhaliwyd 9 Chwefror 2021
ar Microsoft Teams/Telegynadledda (drwy Tŷ Dysgu, Nantgarw)**

Yn bresennol:

Dr Ruth Hall	Cadeirydd ac Aelod Annibynnol
Tina Donnelly	Aelod Annibynnol
Ceri Phillips	Aelod Annibynnol

Hefyd yn bresennol:

Yr Athro	
Pushpinder Mangat	Cyfarwyddwr Meddygol
Dr Angela Parry	Cyfarwyddwr Nyrsio Dros Dro
Alex Howells	Prif Weithredwr
Tom Lawson	Deon Meddygol Ôl-raddedig
Margaret Allan	Deon Fferylliaeth
Kirstie Moons	Deon Deintyddol
Martin Riley	Dirprwy Gyfarwyddwr Addysg, Comisiynu ac Ansawdd
Eifion Williams	Cyfarwyddwr Cyllid
Dafydd Bebb	Ysgrifennydd y Bwrdd
Nicola Johnson (Arsylwi)	Cyfarwyddwr Cynllunio, Perfformiad a Gwasanaethau Corfforaethol
Sian Richards	Cyfarwyddwr Datblygu Digidol (Arsylwi)
Kay Barrow	Rheolwr Llywodraethu Corfforaethol (Ysgrifennydd)

RHAN 1	MATERION RHAGARWEINIOL	Cam gweithredu
ECQC: 09/01/1.1	Croeso a Chyflwyniadau	
	Croesawodd y Cadeirydd bawb i'r cyfarfod ac, yn benodol, Kirstie Moons, oedd yn ymuno fel y Deon Deintyddol newydd yn dilyn ymddeoliad David Thomas. Cadarnhawyd bod cworwm yn bresennol. Rhodddwyd croeso cynnes hefyd i Sian Richards, y Cyfarwyddwr Datblygu Digidol newydd, a Nicola Johnson, Cyfarwyddwr Cynllunio, Perfformiad a Gwasanaethau Corfforaethol oedd yn mynychu fel arsylwyr.	
ECQC: 09/01/1.2	Ymddiheuriadau am Absenoldeb	
	Doedd dim ymddiheuriadau am absenoldeb.	

ECQC: 09/01/1.3	Datganiadau o Fuddiant	
	Nodwyd y datganiadau o fuddiant ynghylch eitemau agenda 3.1, 3.2 a 3.3: • Ruth Hall, Cadeirydd, Canolfan Polisi Cyhoeddus Cymru, Prifysgol Caerdydd. • Tina Donnelly – Cymrawd Prifysgol De Cymru. • Ceri Phillips – Athro Emeritws, Prifysgol Abertawe, a swydd anrhydedd ym Mhrifysgol Caerdydd. • Eifion Williams – Aelod o Bwyllgor Cyllid Prifysgol Abertawe. • Angela Parry – Deiliad Contract Anrhydeddus gyda Phrifysgol Caerdydd. • Pushpinder Mangat – Athro Anrhydeddus, Ysgol Feddygaeth Prifysgol Abertawe	
ECQC: 09/01/1.4	Derbyn a Chadarnhau Cofnodion y Pwyllgor a gynhaliwyd 8 Hydref 2020	
	Derbyniodd y Pwyllgor gofnodion y cyfarfod a gynhaliwyd 8 Hydref 2020 a chadarnhaodd eu bod yn gofnod cywir.	
ECQC: 09/01/1.5	Log Camau Gweithredu	
	Derbyniodd y Pwyllgor y Log Camau Gweithredu a nodwyd y camau gweithredu oedd un ai wedi'u cyflawni; wedi'u gohirio oherwydd effaith y pandemig COVID-19 neu faterion i'w hystyried ar agenda heddiw. Byddai'r eitemau oedd yn weddill yn cael eu cadw ar y Log Camau Gweithredu nes y byddant wedi'u cyflawni. Derbyniwyd y diweddariadau canlynol ar lafar: • ECQC 02/07/1.5 Adolygiad KPMG o Addysg Broffesiynol Iechyd - Adnoddau yn y Gymraeg: Rhoddodd Dafydd Bebb ddiweddariad i'r Pwyllgor ynghylch Porth Termau Cymraeg Cenedlaethol oedd yn cael ei reoli gan Brifysgol Bangor. Eglurodd bod y porth yn adnodd ar gyfer sicrhau dull safonol o ran termau clinigol Cymraeg. Amlygwyd bod Grŵp Swyddogion Iaith Byrddau Iechyd, Ymddiriedolaethau a SHAau yn cwrdd yn rheolaidd ac yn cytuno ar ymagwedd gyson ar gyfer termau Cymraeg newydd a ddefnyddir yn GIG Cymru. Nawr, cynigir y bydd proses yn cael ei rhoi ar waith fyddai'n golygu ychwanegu unrhyw dermau newydd sy'n cael eu cytuno yn y Gymraeg at y Porth Termau a reolir gan Brifysgol Bangor. Byddai hyn yn sicrhau cysondeb yn y termau Cymraeg ledled GIG Cymru. Nodwyd bod y Grŵp Cynhwysiant a Chydraddoldeb wedi ceisio diweddariad gan Dîm TG AaGIC, gan gynnwys ar ei gyfraniad at ddatrysiadau digidol ar gyfer Cymru gyfan, megis y Porth Termau Cymraeg Cenedlaethol.	

	ECQC 08/10/4.3 Rhwydwaith Trawma Mawr De Cymru: Rhoddodd Pushpinder Mangat wybod i'r Pwyllgor ei fod wedi cysylltu â'r Rhwydwaith, ond cafodd y cyfarfod ei ganslo. Eglurodd wrth drefnu'r cyfarfod, nododd y Rhwydwaith nad oedd angen cefnogaeth AaGIC mwyach gan fod datrysiadau amgen wedi cael eu rhoi ar waith. Fodd bynnag, cyflwynwyd cynnig agored i gwrdd er mwyn trafod unrhyw ofynion cefnogaeth bellach allai fod ganddynt.	
Penderfynwyd	Nododd y Pwyllgor y diweddariadau a bod y ddau gam gweithredu wedi cael eu cwblhau.	
ECQC: 09/01/1.6	Materion yn Codi	
	ECQC 08/10/2.1 Diweddariad ar Reoli Ansawdd - Effaith ar Hyfforddeion Llawfeddygol: Rhoddwyd diweddariad ynghylch yr heriau parhaus i hyfforddeion llawfeddygol a chyflawni'r cymwyseddau ymarferol gofynnol i gwblhau'r hyfforddiant oherwydd y diffyg mynediad i amser ymarferol llawfeddygol wyneb yn wyneb. Er bod llawdriniaeth frys yn dal i ddigwydd, nid oedd hyn o bosibl yn ddigonol er mwyn cyflawni'r cymwyseddau 'ymarferol', yn benodol ar gyfer yr arbenigeddau llawfeddygol. Roedd camau lliniaru wedi cael eu rhoi ar waith ond roedd dal ychydig o risg, oedd yn cael ei fonitro'n agos. O ran yr effaith barhaus ar y tri arbenigedd llawfeddygol, roedd y rhain yn cael eu monitro ledled y DU gan y Cydbwyllgor Hyfforddiant Llawfeddygol.	
Penderfynwyd	Nododd y Pwyllgor y diweddariad.	
ECQC: 09/01/1.7	Cofnodion Drafft Heb eu Cadarnhau y Grŵp Cynghori Addysg a gynhaliwyd 17 Tachwedd 2020	
	Derbyniodd y Pwyllgor y cofnodion drafft heb eu cadarnhau'r cyfarfod Grŵp Cynghori Addysg (EAG) a gynhaliwyd 17 Tachwedd 2020. Rhoddodd Angela Parry grynodedd bras o gyfarfod cyntaf yr EAG, yr oedd llawer yn bresennol ynddo gyda chynrychiolaeth dda ledled y meysydd aelodaeth. Cafodd ei egluro dan bwynt bwled 1, yn ychwanegol i'r aelodaeth, bydd pobl eraill o du allan neu du mewn i'r sefydliad y mae'r Grŵp yn credu y dylent fynychu yn cael eu gwahodd gan ystyried y materion dan ystyriaeth ym mhob cyfarfod. Ni fyddai'r unigolion hyn fydd yn derbyn gwahoddiad yn ychwanegu at aelodaeth y Grŵp. Roedd y Pwyllgor yn falch bod yr EAG wedi cynnal ei gyfarfod cyntaf, a nodwyd bod yr ail gyfarfod wedi cael ei drefnu.	
Penderfynwyd	Nododd y Pwyllgor y cofnodion drafft heb eu cadarnhau er sicrwydd.	
RHAN 2	PERFFORMIAD AC ANSAWDD ADDYSG	

ECQC: 09/01/2.1	Goblygiadau COVID ar Addysg a Hyfforddiant	
	Derbyniodd y Pwyllgor yr adroddiad. Rhoddodd Pushpinder Mangat a Angela Parry drosolwg o effaith pandemig y Coronafeirws ar gylch addysg a hyfforddiant arferol yr holl fyfyrwyr a hyfforddeion gweithwyr proffesiynol gofal iechyd. Amlygwyd bod yr holl randdeiliaid allweddol yn gweithio'n agos mewn partneriaeth wedi arwain at y lefel leiaf posibl o darfu i'r cylch hwn, gyda charfan newydd o gofrestrwyr a hyfforddeion yn ymuno â gweithlu'r GIG yn ystod haf 2020. Dechreuodd carfan newydd o fyfyrwyr a hyfforddeion ar eu haddysg a hyfforddiant, ac roedd addasiadau amlwg i gyflawniad yr addysgu ar sail theori. Pwysleisiwyd bod angen parhau â lleoliadau a'r dysgu ar sail ymarfer yn ôl y cynllun, er mwyn sicrhau bod modd dysgu ac asesu cymwyseddau a sgiliau clinigol, ac i sicrhau cofrestriad a graddio ar amser. Lle bynnag y bo'n bosibl, byddai hyfforddiant yn parhau yn ôl y cynllun i sicrhau bod nifer ddisgwyliedig y cofrestreion ar gael i ymuno â'r gweithlu yng Nghymru i gefnogi gwasanaethau'r pandemig ac adfer. Nodwyd na fyddai AaGIC yn gallu hwyluso graddio cynnar i hyfforddeion eleni oherwydd yr amser a gollwyd y llynedd, fodd bynnag, roedd Byrddau Iechyd wedi cytuno i hwyluso hyfforddeion yn cymryd eu harholiadau ysgrifenedig yn gynt. Roedd risgiau o ran y gallu i fwrw ymlaen mewn nifer o feysydd hyfforddiant, yn enwedig llawdriniaeth o ganlyniad i'r diffyg mynediad i brofiad llawdriniaeth ddethol, meddygaeth oherwydd y llwyth gwaith gwasanaeth trwm iawn, a deintyddol oherwydd natur y gweithdrefnau wyneb yn wyneb a'r cyfyngiadau presennol. Er hyn, adroddwyd y byddai hyfforddeion deintyddol yng Nghymru yn gallu graddio ar amser eleni, nid oedd hyn yn wir am yr Alban na Lloegr, fyddai'n effeithio ar argaeledd swyddi sylfaen yn genedlaethol. Roedd Kirstie Moons ynghlwm ar lefel randdeiliaid cenedlaethol a hefyd gyda'r Cyngor Deintyddol. Er bod cylchdroadau meddygon iau wedi'u hatal y llynedd, nodwyd y byddai'r cylchdroadau hyn yn digwydd yn ystod mis Chwefror eleni i sicrhau nad oedd hyfforddeion mewn meysydd dwys iawn yn cael eu cadw yno am gyfnod hirach na'r angen. Roedd meysydd o fewn Byrddau Iechyd oedd yn cael eu monitro'n fanylach oherwydd pryderon ansawdd yn dal i gael eu monitro gydag ymweliadau targedig i leddfu unrhyw risgiau pellach yn effeithio ar hyfforddiant.	

	Eglurwyd y byddai angen mapio'r effaith ar y piblinell gweithlu hyfforddeion er mwyn deall y sefyllfa'n well. Roedd y Pwyllgor yn cydnabod y llwyddiannau sylweddol yng nghyd-destun y sefyllfa heriol a newidiol. Dyma oedd anterth gweithio cydweithredol AaGIC a'r rhanddeiliaid.	
Penderfynwyd	Nododd y Pwyllgor yr adroddiad.	
	Ymunodd Alex Howells â'r cyfarfod a chafodd groeso gan y Cadeirydd.	
ECQC: 09/01/2.2	Diweddariad Addysg Aml-Broffesiynol:	
ECQC: 09/01/2.2.1	Diweddariad Addysg Feddygol a Deintyddol Ôl-raddedig	
	Derbyniodd y Pwyllgor yr adroddiad. Wrth gyflwyno'r adroddiad, rhoddodd Pushpinder Mangat drosolwg o'r gweithgareddau a roddwyd ar waith a nododd ers yr adroddiad diwethaf nifer y meysydd oedd gyda statws Monitro Manylach. Roedd y GMC wedi lleihau'r nifer hon o chwe maes i bum maes. Doedd dim materion difrifol yr oedd angen i'r Pwyllgor fod yn ymwybodol ohonynt. Pe byddai'r cynnydd gyda'r llawdriniaeth baediatreg yn Ysbyty Athrofaol Cymru'n cael ei gynnal, yna gallai'r ymweliad a gynlluniwyd fis Mai 2021 (nid Mai 2020 fel y'i nodwyd yn yr adroddiad) arwain at y trefniadau monitro manylach yn dod i ben. Bu i'r Pwyllgor gydnabod bod cyflwyniad y Cytundeb Hyfforddwyr Meddygol Cymru Gyfan yn egluro'r rolau a chyfrifoldebau ar gyfer Darparwyr Addysg Lleol, a'i fod yn gam pwysig o ran sicrhau darpariaeth o safon o addysg feddygol.	
Penderfynwyd	Nododd y Pwyllgor yr adroddiad.	
ECQC: 09/01/2.2.2	Adroddiad ac Adborth Arolwg GMC	
	Derbyniodd y Pwyllgor yr adroddiad. Wrth gyflwyno'r adroddiad, atgoffodd Pushpinder Mangat y Pwyllgor bod cyfranogiad hyfforddeion a hyfforddwyr yn yr arolwg GMC blynyddol yn elfen hanfodol ar ddilyniant. Fodd bynnag, oherwydd Pandemig COVID-19, eleni roedd y GMC wedi nodi y byddai'r arolwg yn opsiynol. Roedd y gyfradd ymateb tua 50% oedd yn isel o gymharu â blynyddoedd blaenorol. Fodd bynnag, o gymharu â'r arolwg staff GIG cyffredinol, ystyriwyd bod hyn yn gyfradd ymateb dda. Roedd adborth yr arolwg yn canolbwyntio'n bennaf ar COVID-19 gyda themâu newydd nad oeddent yn annisgwyl, yn gyson gyda	

	blynyddoedd diweddar. Amlygwyd mai cam nesaf y broses oedd rhannu'r adborth gyda Byrddau/Ymddiriedolaethau Iechyd a'u Cyfarwyddwyr Meddygol Cyswllt. Byddai pob sefydliad yn derbyn eu hadroddiad unigol oedd yn canolbwyntio ar feysydd pryder ac argymhellion ar gyfer gwella. Roedd y Pwyllgor yn ymwybodol nad oedd adborth yr arolwg o anghenraidd yn ddarlun myfyriol yn gyfan gwbl, ac yn cadw mewn cof yng nghyd-destun yr amgylchedd presennol mai dyma ganfyddiadau'r rhai oedd wedi ymateb. Amlygwyd bod y GMC yn awyddus i gynnal yr arolwg eto eleni, fodd bynnag, roedd angen aros am benderfyniad gan GMC.	
Penderfynwyd	Cymeradwyodd y Pwyllgor gynnwys yr adroddiad i'w rannu ymhellach.	
ECQC: 09/01/2.2.3	Adroddiad Perfformiad Addysg Broffesiynol Iechyd Cymru Gyfan ar gyfer Blwyddyn Academaidd 2019/20 Derbyniodd y Pwyllgor yr adroddiad. Wrth gyflwyno'r adroddiad, rhoddodd Martin Riley wybod bod casglu'r wybodaeth a'r data gofynnol ar gyfer y cylch perfformiad blynyddol wedi bod yn anodd yng nghyd-destun y cyfyngiadau COVID-19. Roedd hyn wedi bod yn benodol heriol i Brifysgolion o ystyried y gwaith ychwanegol o ran adleoli myfyrwyr i'r gweithlu GIG dros dro i gefnogi'r argyfwng, a'r gwaith oedd angen ei wneud er mwyn bidio ar gyfer y Contractau Addysg Proffesiynol Iechyd. Rhoddwyd trosolwg o'r crynodeb perfformiad, ac amlygwyd bod yr adroddiad Cymru Gyfan wrthi'n cael ei gadarnhau ar hyn o bryd. Eleni, byddai'r ymagwedd o ran rhoi adborth i Brifysgolion yn canolbwyntio ar ddefnyddio Map Proses Gwella i sicrhau bod unrhyw ganfyddiadau'n cael eu datrys ar sail blaenoriaeth. Trafododd yr Aelodau gyfraddau athreuliad yn ogystal ag ystyried a oedd cydberthynas rhwng athreuliad a defnydd o'r fwsariaeth. Roedd angen archwilio'r rhesymau cyffredinol dros y cynnydd yn y gyfradd athreuliad nyrsio i bennu ai cyfyngiadau ariannol oedd y rheswm neu gynnwys y cwrs. Eglurwyd bod yr athreuliad a nodir yn sefyllfa gyfunol ar sail blynyddoedd 1, 2 a 3, oedd yn debyg i'r adrodd yn Lloegr. Roedd y Pwyllgor yn cydnabod bod yr adroddiad yn ffynhonnell wybodaeth dda i gynorthwyo Prifysgolion i weithredu er mwyn gwella, fodd bynnag, roedd angen dealltwriaeth well o'r gwerth ychwanegol o addysg/hyfforddiant yn erbyn y gwariant a achoswyd i raddedigion a'r budd yn deillio o hynny i weithlu'r GIG.	

	Rhoddodd Nicola Johnson wybod bod y metrigau perfformiad yn cael eu cwrmpasu ar hyn o bryd ar gyfer y piblinell addysg a hyfforddiant Proffesiynol Iechyd, a rhagwelir y byddai cynnig yn cael ei gyflwyno i'r Tîm Gweithredol yn ystod mis Mawrth 2021. Croesawodd y Pwyllgor yr ymagwedd o ran adrodd a'r datblygiad pellach i uno cydymffurfiaeth gyda'r dangosyddion perfformiad allweddol a'r Dashfwrdd perfformiad corfforaethol ar gyfer adrodd i'r Pwyllgor a'r Bwrdd.	
Penderfynwyd	Nododd y Pwyllgor y perfformiad contractau ledled Cymru.	
ECQC: 09/01/2.2.4	Crynodeb Arolwg Myfyrwyr Cenedlaethol Addysg Broffesiynol Iechyd 2020	
	Derbyniodd y Pwyllgor yr adroddiad. Wrth gyflwyno'r adroddiad, rhoddodd Martin Riley drosolwg o bwyntiau amlwg yr Arolwg Myfyrwyr Cenedlaethol (NSS), oedd yn cynnwys y grwpiau myfyrwyr nyrsio, bydwreigiaeth, pob proffesiwn iechyd perthynol, a gwyddorau iechyd. Roedd mwyafrif y Prifysgolion gyda chontract wedi sgorio'n uwch na chyfartaledd y DU. Roedd hyn yn cyfleu'r ddarpariaeth safon uchel ar gyfer y rhaglenni addysg iechyd a gomisiynwyd. Fodd bynnag, os nad oedd Prifysgol gyda chontract yn sgorio yn unol â'r disgwyl, trafodwyd y meysydd oedd yn tanberfformio yn rhan o'r cyfarfodydd rheoli contractau a chafodd cynlluniau gweithredu eu datblygu i fonitro camau gweithredu ar gyfer gwella. Roedd gwaith yn mynd rhagddo gyda chydweithwyr dadansoddol i ymgorffori'r metrigau perfformiad yn rhan o ddashfwrdd perfformiad AaGIC. Amlygwyd bod canlyniadau'r NSS yn un o brif yrwyr y Tablau Cynghrair Prifysgolion. Roedd y Pwyllgor yn croesawu penodiad newydd Pennaeth Profiad Lleoliadau AaGIC. Byddai'r rôl yn cynorthwyo gyda gwella rheoli ansawdd y contractau addysg broffesiynol iechyd drwy weithio'n agos gyda Phrifysgolion dan gcontract a darparwyr gwasanaeth i fynd i'r afael ag unrhyw faterion tanberfformio neu ansawdd wrth iddynt ddigwydd.	
Penderfynwyd	Nododd y Pwyllgor y perfformiad NSS ledled rhaglenni addysg broffesiynol iechyd a gomisiynwyd yng Nghymru.	
ECQC: 09/01/2.3	Pensaerniaeth Sicrwydd Ansawdd Aml-broffesiynol	
	Rhoddodd Pushpinder Mangat ac Angela Parry ddiweddariad i'r Pwyllgor ynghylch y cynnydd oedd yn cael ei wneud gyda	

	datblygiad y fframwaith sicrwydd ansawdd addysg a hyfforddiant aml-broffesiynol. Eglurwyd y byddai'r fframwaith yn ymgorffori mesurau dangosol ac ansoddol ar gyfer yr holl addysg a hyfforddiant a llywio datblygiad y metrigau ar gyfer y dashfwrdd.	
Penderfynwyd	Roedd y Pwyllgor yn: • nodi'r cynnydd; • cytuno y byddai'r cynnig ar gyfer y fframwaith sicrwydd ansawdd addysg a hyfforddiant aml-broffesiynol yn cael ei gyflwyno i'r Pwyllgor yn ei gyfarfod ym mis Mehefin 2021.	
ECQC: 09/01/2.4	Cynllun AaGIC ar gyfer Cyflawniad Gwahaniaethol	
	Derbyniodd y Pwyllgor yr adroddiad. Wrth gyflwyno'r adroddiad, amlinellodd Pushpinder Mangat ymagwedd AaGIC o ran mynd i'r afael â chyflawniad gwahaniaethol. Amlygwyd er bod y mater hwn wedi cael ei adnabod gyntaf o fewn meddygaeth ôl-raddedig, gellid gweld amrywiaeth o ran cyflawniad mewn sawl grŵp wrth ei rannu i nodweddion gwarchodedig, gan gynnwys oedran, rhywedd a hil. Heb unrhyw achos penodol ar gyfer yr amrywiaeth, gall fod yn anodd adnabod un ffactor neu faes penodol i'w dargedu gydag ymyrraeth. Felly, byddai sgôp yr ymagwedd o fewn AaGIC yn cael ei ymestyn i gynnwys yr holl raglenni addysg a hyfforddiant oedd hefyd yn alinio gyda'r camau gweithredu a nodir yng Nghynllun Cydraddoldeb Strategol AaGIC. Croesawodd y Pwyllgor yr ymagwedd o ran mynd i'r afael â chyflawniad gwahaniaethol, ond roedd yn pwysleisio'r angen i arddangos bod camau gweithredu AaGIC yn gwneud gwahaniaeth i fynd i'r afael â'r bylchau mewn cyflawniad addysgol ledled yr holl raglenni addysg a hyfforddiant yn benodol ynghylch y nodweddion gwarchodedig o ran ethnigrwydd.	
Penderfynwyd	Roedd y Pwyllgor yn: • nodi er gwybodaeth yr ymagwedd oedd ar waith gan AaGIC i fynd i'r afael â Chyflawniad Gwahaniaethol; • gofyn i AaGIC bennu pa ddata a gesglir gan Brifysgolion ynghylch y nodweddion gwarchodedig o ran ethnigrwydd.	AP/MR
ECQC: 09/01/2.5	Gwobr BAPIO ar gyfer Gwasanaethau Addysg a Hyfforddiant Meddygol	
	Bu i'r Pwyllgor longyfarch Pushpinder Mangat ar ei lwyddiant o ennill Gwobr BAPIO am wasanaethau i addysg a hyfforddiant meddygol. Nododd bod y wobwr yn cydnabod gwaith caled pawb o fewn Cyfarwyddiaeth Feddygol AaGIC. Gadawodd Nicola Johnson y cyfarfod.	
RHAN 3	MATERION STRATEGOL	

ECQC: 09/01/3.1	Adroddiad Cynnydd ar Gam 1 y Contractau Addysg Broffesiynol Iechyd	
	Derbyniodd y Pwyllgor ddiweddariad ar lafar ar gynnydd Cam 1 yr ymarfer caffael contractau addysg broffesiynol iechyd. Roedd y dyddiad cau ar gyfer cyflwyno tendrau yn erbyn y 'lotiau' wedi dod i ben ar 27 Ionawr 2021 ac roedd cyflwyniadau bid wedi cael eu derbyn ar gyfer pob 'lot'. Byddai'r tendrau'n dechrau cael eu gwerthuso ar 22 Chwefror 2021, ac yn dod i ben ar 8 Ebrill 2021.	
Penderfynwyd	Derbyniodd y Pwyllgor y diweddariad ar lafar.	
ECQC: 09/01/3.2	Cam 1 Contractau Addysg Broffesiynol Iechyd: Fframwaith Arfarnu	
	Derbyniodd y Pwyllgor yr adroddiad. Wrth gyflwyno'r adroddiad, nododd Martin Riley bod Cam 1 yr Adolygiad Strategol o'r contractau addysg Proffesiynol Iechyd yn dechrau ar gyfnod arfarnu tendrau prysur iawn. Rhoddodd drosolwg o ddatblygiad a chynllunio'r Fframwaith Gwerthuso, oedd yn cynnwys sefydlu'r Paneli Arfarnu, y cwestiynau arfarnu a'r fethodoleg sgorio. Amlygwyd bod rhai arfarnwyr wedi mynegi pryderon na fyddent yn gallu cyflawni eu rôl arfarnu o fewn yr oriau craidd. Fodd bynnag, roedd AaGIC wedi adnabod cyllid er mwyn galluogi Byrddau/Ymddiriedolaethau Iechyd i roi trefniadau ôl-lenwi ar waith i sicrhau bod gan arfarnwyr ddigon o amser a chapasiti i wneud eu gwaith ac i fod yn aelodau o Baneli fel bo'r angen. Roedd 10% o'r aelodau panel yn dod o sefydliadau addysg uwch ac Addysg Iechyd Lloegr, ond eglurwyd bod nifer o'r aelodau panel yn dod o Addysg Genedlaethol yr Alban, ac y dylid cydnabod hyn. Roedd Grŵp Arfarnu wedi cael ei bennu i fonitro cynnydd, a byddai unrhyw risgiau'n cael eu hymgorffori i gofrestr risgiau'r rhaglen ar gyfer gweithredu. Byddai argymhellion y Panel yn cael eu harfarnu rhwng 19 Ebrill i 7 Mai 2021 cyn cyflwyno i Lywodraeth Cymru erbyn 10 Mai 2021. Disgwylir cymeradwyaeth Llywodraeth Cymru erbyn diwedd Mai 2021 pan fyddai'r bidwyr yn cael gwybod am y canlyniad. Cafodd y Pwyllgor sicrwydd o ran y cynnydd, ac roedd yn falch o weld bod rhaglen waith gymhleth yn cadw at yr amserlenni.	

	Er mwyn rhoi sicrwydd i'r Bwrdd ar Gam 1 yr Adolygiad Strategol o raglen waith y Contractau Addysg Broffesiynol Addysg, awgrymwyd y dylid cynnal cyfarfod ar y cyd o'r Pwyllgor Addysg, Comisiynu ac Ansawdd a'r Pwyllgor Archwilio ac Ansawdd i gynnal mân adolygiad porth o Gam 1 yn dilyn cam arfarnu'r rhaglen waith.	
Penderfynwyd	Gwnaeth y Pwyllgor: • nodi'r Fframwaith Arfarnu; • gofyn i'w diolch gael eu hystyngiwr i'r Tîm am y gwaith caled; • cytuno i gynnal cyfarfod ar y cyd o'r Pwyllgor Addysg, Comisiynu ac Ansawdd a'r Pwyllgor Archwilio ac Ansawdd i gynnal mân adolygiad porth o Gam 1 yn dilyn cam arfarnu'r rhaglen waith.	AP DB
ECQC: 09/01/3.3	Cam 2 – Adolygiad Strategol o'r Addysg Broffesiynol Iechyd	
	Derbyniodd y Pwyllgor yr adroddiad. Wrth gyflwyno'r adroddiad, rhoddodd Angela Parry drosolwg o gymhlethdodau Cam 2 o'r Adolygiad Strategol o'r Contractau Addysg Broffesiynol Iechyd. Eglurodd bod dadansoddiad o'r rhaglenni sy'n rhan o Gam 2 yr adolygiad wedi arddangos y byddai graddfa'r ymarfer caffael yn sylweddol. Byddai'n broses gymhleth, heb "un ateb", fel oedd yn wir am Gam 1. Er mwyn lleddfu unrhyw darfu i'r busnes craidd, roedd ymagwedd ac amserlen wahanol yn cael eu cynnig o gymharu â'r hyn a adroddwyd yn flaenorol. Byddai'r amserlen ddiwygiedig yn cael ei haddasu i gyfnod pum mlynedd gyda'r broses gaffael ar sail cam wrth gam dros dri is-gam. Byddai hyn yn hwyluso rhaglenni gwaith y gellid eu rheoli'n haws. Er mwyn rheoli'r rhaglen waith, byddai Rheolwr Rhaglen yn cael ei benodi i arwain Cam 2 gyda Bwrdd Rhaglen yn goruchwyllo'r fframwaith llywodraethu. Byddai'r ymagwedd cam wrth gam newydd i Gam 2 i ddechrau'n canolbwyntio ar y meysydd contract hynny oedd yn y categori statws 'coch', a fyddai'n ffurfio Rhan A gyda'r nod o fod â chontractau ar waith yn 2022. Roedd y Pwyllgor yn croesawu'r ymagwedd, fyddai'n darparu'r diwydrwydd dyladwy gofynnol i sicrhau bod y contractau newydd yn addas at y diben.	
Penderfynwyd	Gwnaeth y Pwyllgor: • argymhell bod yr hyn a ganlyn yn cael ei gymeradwyo gan y Bwrdd yn ei gyfarfod ar 25 Mawrth 2021:	AP

	- o amserlen 5 mlynedd ddiwygiedig ac ymagwedd newydd; - o y cynnig ar gyfer swydd Rheolwr Prosiect am dymor penodol o 3 blynedd gyda'r opsiwn i ymestyn ar gyfer hyd at 2 flynedd bellach; - o estyniad y 2 secondiad (band 7 a 4) o Gaffael NWSSP am 2 flynedd bellach o 31 Mai 2021 - o amcangyfrif o'r costau cyfreithiol	
	Gadawodd Alex Howells y cyfarfod.	
RHAN 4	MATERION LLYWODRAETHU	
ECQC: 09/01/4.1	Cylch Gorchwyl y Grwpiau Cynghori Mewnol ac Allanol newydd ar Addysg a Hyfforddiant	
	Derbyniodd y Pwyllgor y Cylch Gorchwyl diwygiedig ar gyfer y Grŵp Ansawdd ac Addysg Aml-Broffesiynol (MPQEG) a'r Grŵp Cynghori Addysg (EAG). Nododd Dafydd Bebb bod y Cylch Gorchwyl wedi cael ei ystyried yn ystod cyfarfodydd cyntaf yr MPEQG a'r EAG. Cynigwyd y diwygiadau canlynol i'r Cylch Gorchwyl: • bod rhan 'Diben' yr MPQEG a'r EAG yn cynnwys darpariaeth i adlewyrchu swyddogaeth ymchwil AaGIC; • mewn perthynas â'r EAG, dim ond cynnwys pwynt bwled pedwar dan yr adran Diben i gynnwys darpariaeth ar 'cydraddoldeb mynediad'; • mewn perthynas â'r MPQEG dim ond yr adran 'Diben' sydd wedi cael ei diwygio i roi rhagor o ffocws ar ffyrdd o weithio aml-broffesiynol.	
Penderfynwyd	Gwnaeth y Pwyllgor: • nodi'r diwygiadau canlynol i'r Cylch Gorchwyl: - o bod rhan 'Diben' yr MPQEG a'r EAG yn cynnwys darpariaeth i adlewyrchu swyddogaeth ymchwil AaGIC; - o mewn perthynas â'r EAG, dim ond cynnwys pwynt bwled pedwar dan yr adran Diben i gynnwys darpariaeth ar 'cydraddoldeb mynediad'; - o mewn perthynas â'r MPQEG dim ond yr adran 'Diben' sydd wedi cael ei diwygio i roi rhagor o ffocws ar ffyrdd o weithio aml-broffesiynol. • argymhell bod Cylch Gorchwyl yr MPQEG a'r EAG fel y'i diwygiwyd yn Atodiad 1 yr adroddiad yn cael eu cymeradwyo gan y Bwrdd yn ei gyfarfod ar 25 Mawrth 2021:	
RHAN 5	ER GWYBODAETH/NODI	
ECQC: 09/01/5.1	Cyfraddau Llenwi Addysg Broffesiynol lechyd 2020/21 a Dyraniadau Myfyrwyr Proffesiynol lechyd 2021/22	
	Derbyniodd y Pwyllgor y papur briffio.	

	Wrth gyflwyno'r papur, amlinellodd Angela Parry'r egwyddorion dyrannu; canlyniadau; risgiau, materion a lliniariadau, a'r goblygiadau ariannol i Brifysgolion o ran peidio â bodloni'r targedau comisiynu. Eglurodd bod Cynllun Addysg a Hyfforddiant GIG Cymru ar gyfer 2021/22 wedi nodi'r niferoedd cyffredinol ar gyfer pob un o'r rhaglenni addysg, fodd bynnag, roedd yr adroddiad dyrannu'n nodi manylion y dyraniadau ledled Prifysgolion ar sail y wybodaeth a gafwyd gan bob cynllun gweithlu IMTP Bwrdd/Ymddiriedolaeth lechyd er mwyn hyfforddi'r myfyrwyr cywir yn y lleoedd cywir. Roedd y Pwyllgor yn croesawu'r ymagwedd. Fodd bynnag, awgrymwyd y dylid rhoi gwybod i'r Grwpiau Cyfoedion GIG am y dyraniad comisiynu megis Cyfarwyddwyr Nyrsio; Cyfarwyddwyr Therapi a Gwyddorau lechyd, fel bod modd iddynt ddeall yn well effaith gwybodaeth y gweithlu a ddarparwyd o fewn IMTPau a'i ddefnydd o ran llywio'r dyraniad lleoli myfyrwyr.	
Penderfynwyd	Gwnaeth y Pwyllgor: • nodi'r cynllun comisiynu cyn-cofrestru arfaethedig; • nodi datblygiad y cynllun comisiynu cymunedol a chynllun comisiynu ôl-gofrestru, gyda'r ddau i gael eu cyflwyno cyn diwedd mis Ionawr 2021; • nodi datblygiad y matrices lleoliadau i gael ei gyflwyno cyn diwedd mis Ionawr.	
ECQC: 09/01/5.2	Adroddiad a Chanllawiau'r Tîm Efelychu	
	Derbyniodd y Pwyllgor yr adroddiad a'r cyflwyniad oedd wedi cael eu hystyried yn y Grŵp Cyngori Addysg fis Tachwedd 2020 a'r Sesiwn Datblygu Bwrdd ar 17 Rhagfyr 2020.	
Penderfynwyd	Gwnaeth y Pwyllgor: • nodi'r adroddiad a'r cyflwyniad; • gofyn am ddiweddariad i gael ei gyflwyno i'r Pwyllgor yn ei gyfarfod ym mis Mehefin 2021.	
ECQC: 09/01/5.3	Proffesiynoleiddio Rôl y Cyfarwyddwr Rhaglen Hyfforddiant ledled Hyfforddiant Gofal Eilradd	
	Derbyniodd y Pwyllgor yr adroddiad a chroesawu'r cynnydd a wnaed o ran ffurfioli a phroffesiynoleiddio rôl y Cyfarwyddwr Rhaglen Hyfforddiant ledled rhaglenni hyfforddiant ôl-raddedig meddygol ar sail gofal eilradd.	
Penderfynwyd	Gwnaeth y Pwyllgor: • nodi cynnwys yr adroddiad; • cefnogi'r camau oedd wedi cael eu rhoi ar waith hyd yma.	
ECQC: 09/01/5.4	Diweddariad ar Ddatblygiad y Cydweithrediad Arfarnu, Ymchwil, Gwellu ac Arloesedd (ERIIC)	
	Derbyniodd y Pwyllgor yr adroddiad.	

	Wrth gyflwyno'r adroddiad, nododd Tom Lawson bod sefydliad y Cydweithrediad yn alinio gyda swyddogaethau craidd sylfaenol AaGIC o ran datblygu gwybodaeth a sgiliau. Nododd bod gonestrwydd ac awydd o fewn AaGIC i arddangos a dangos tystiolaeth o werth a budd ymchwil fel galluogwr allweddol ledled y system addysg a hyfforddiant. Croesawodd y Pwyllgor sefydliad y Cydweithrediad. Cytunodd Ceri Phillips i nodi ei feddyliau am y cynnig.	
Penderfynwyd	Gwnaeth y Pwyllgor: • nodi cynnwys yr adroddiad; • cytuno y byddai Ceri Phillips yn rhannu ei feddyliau ar y cynnig gyda Pushpinder Mangat/Tom Lawson.	CP
RHAN 6	DIWEDD	
ECQC: 09/01/6.1	Unrhyw Fater Arall	
	• Ysgrifennydd y Pwyllgor Diolchodd y Pwyllgor i Kay Barrow am ei chefnogaeth i'r Pwyllgor, a rhannodd ei ddymuniadau gorau gyda hi yn ei swydd newydd.	
ECQC: 09/01/6.2	Myfyrion ar Bwyllgor Heddiw	
	Myfyriodd y Pwyllgor ar y cyfarfod ac, yn benodol, roedd yn canmol ansawdd a pha mor fanwl oedd yr adroddiadau. Roedd hyn wedi helpu i ddeall cyd-destun a ffocws y materion a ystyriwyd yn ystod y cyfarfod.	
ECQC: 09/01/6.3	Dyddiad y Cyfarfod Nesaf	
	Cadarnhawyd mai dyddiad y cyfarfod nesaf fyddai dydd Mawrth, 8 Mehefin 2021 am 10:00 un ai ar Microsoft Teams neu yn Ystafell Gyfarfod AaGIC 1, Tŷ Dysgu, Nantgarw.	

.....
Dr Ruth Hall (Cadeirydd)

.....
Dyddiad: